

玉茗堂全集

玉茗堂全集

臨川義仍湯顯祖著

詩

七言排律

奉贈趙宗伯二十韻

天水璇源鬱上宗
王孫真氣接吳淞
千霄蚤映長虹色
隱海全窺大壑淙
池上白龍浮冉冉
河

詩

十二卷

一

陽金鳳出嚙嚙名傳漢殿收奇藻氣拆星台發
副封睨柱泉驚歸趙客涉江兼得唱吳儂徵書
北闕紆蓬苑祭酒西都領辟雍通籍舊叨延杖
履奉常新入聽歌鍾得臨南部山川美幸與春
祠歲月從列宿乍沉方朔隱平津偏怯故人逢
繼織玉井含秋氣忽忽甘泉奏夕烽丞相愛邊
能宛轉君王馳傳飲春容仍懸禮樂推尊俎幸

好精神借折衝積霰峩峩山嶺桂餘風謾謾澗
中松年華極日催三秀春草歸心畧五茸未擬
經筵臨白虎先看畫室正劍龍光輝自合重明
麗恩澤長分湛露濃雷翥千年逢少海雲攢四
岳辨中峰股肱漢室丹青事羽翼商山雲經蹤
相國門前瞻玉樹懷人江上寄芙蓉獨憐卽位
鍾陵下霄漢遙遙望九重

答李郴州乞雨蘇仙有應因憶與高太監
謝友可吳拾之夜遊時謫徐聞不得過
柳爲恨耳

秋水洞庭波渺渺春年林壑柳毵毵謝生豈可
今無一與子爲歡月有三弦囊新袵能達曙興
中餘酒必留酬君憎太僕櫺文局我愛吳卿碧
玉簪幾度笑歌迴夜渚何年別淚隱晴嵐之官

楚曲遙連桂問俗衡州喜種藍似有青牛隨李
叟久無白鶴到蘇耽不知雲漢歌能苦爲許山
川雨作甘罷舞香雲連下鶴初飛靈雨應隨騶
歌風文學諸生滿爲政神明自爾堪歲在春曹
誰不美古稱仙尉我猶慙今歸幾問湘源北昔
去初過漳嶺南桂水所思能晤語韶陽歸興失
窮探三春倏別何情切千里傳書得面談更欲

蒼梧一來往不堪憔悴向江潭

嶺外初歸讀王恒叔點蒼山寄示五岳遊

欣然成韻

封章瓊閣移晨病世事陪都接夜談芳草遠山
美以碧暮雲江水翠於藍風光曉映難留卧官
與蕭疎許放叅燕趙金河餘氣色瀟湘桂水出
晴嵐文殊月到仙臺午珠樹比倫少室三石鏡

峩嶷過蜀客衡陽鴈影入蘇耽青妃出日峰前
笑玉女明星掌上探委羽鴈湫三竺下點蒼鷄
足五雲南雲霞踐陟君龍勇碑版窮搜子亦貪
自我園陵新酌飲爲郎漢署宿香含傷心有客
檄難寄生意何人掛不堪瘴嶺夜珠迴合浦臨
川小築寄香楠時時采藥仙華苑稍稍拈花佛
影龕也學素封千樹橘還留中婦一眠蠶間遊

幾地思公子婚娶何年到小男舊有浮丘雲作
蓋能無子曹鶴爲驂霞城欲賦誰懽賞蕙帳重
過省愧慚蠻部碧鷄光縹緲昆池神馬暗趁趨
諸公且看青鏤筆未老那抽綠玉簪獨怪登高
日勿樵悴不應漁父莞湘潭

次答鄧遠遊漢兼懷李本寧觀察六十
有序

予自辛丑蹲伏家食得交秀水令鄧君遠遊
尊酒踈燈久濶談讌而良書美韻瀲灩其來
情無泛源藻有餘縉至於商發流品歸于才
情雅爲要論昔人已云楚夏殊風俱動於魂
蘭蕙異臭並感於鬼固無容夸長以譏短受
素而却丹要於沒世可選而已予於此技非
有師承偶從少作倏兮齒至殆欲忘情筆墨

之間而復引爲在茲歸於作者一言爲智或不其然至如遠遊乃以殊致之韻方將之力浸淫義根憑凌物象夷育案羨鬱而文生成言成書有是度越萬此者乃若君家文潔侍郎表清言干澹臺之後用史待詔發蠹書于明德之傍方干時賢當亦互爲所拙耳茲當服闋上都別語辛丑大計更過堂時觀察奉

公爲予琅琅爭此長物予在平昌五年戍討
西歸曾無一日到縣而更撫入丑計此乃時
人局置已定得竟陵一知爲足耳材如竟陵
正自不免楚國先賢足有明論邑犬羣吠吠
所怪也誹俊疑桀固常態也然本寧謂予久
已高尚人云便遂此君之高金是知己無妨
嘯歌往詩牽率而成相遲登高爲作九辨耳

西江牛女發精竒，盱汝從天結秀姿。
上路風塵龍虎氣，中洲毛羽鳳凰兒。
鳥孤峯外搏霄翥，燕于潭邊寫翠宜。
定有佳人吟暮合，肯無憔悴泣江籬。
嚶嚶幽谷誰清迥，嘿嘿長沙自濕卑。
忽夜委金燕市駿，杪春邀玉鄧林枝。
看驚婉戀迎門，急語到騷牢上酒遲。
萬里拂衣行色滿，一時彈泪燭花欹。
娟娟月色當瓊瑤，濯濯風流灑柳絲。

學富蓬山初過關春歸秀水一臨池水閣姑射
仙人潔花發河陽令尹慈小錦動傷吾汝愧善
刀飛割汝吾師官家未厭朱雲直吏部那爭楚
客私豐獄地深埋劍語漢臯天遠弄珠疑空攀
蕙怨蘭何得故代桃僵李不辭辨馬秣勞三反
覆鼓棊終是一成虧心銷百歲難同盡業在千
秋且自喚烟月夢迴湘漢路山川閑憶秣陵祠

尋常客去看餘幾五十年將托契誰近事草堂
麋鹿隱遠心江國鴈鴻知俄傳清淺麻姑信爲
寫團圓班婕詩海月在篇收磊砢淵雲爲墨散
淋漓精思氣脉追梁苑大較心神動楚詞形似
絕湏情理湊波瀾懸逐世風移都非一骨由人
賞半是多才坐俗疏金猶凌雲爭尺寸兼聽廣
樂辨毫釐叅天物色虛酬想擲地人驚實見推

扣鍛夜吟聲病苦摧殘朝嗽物華蒸官方拓落
堪如許精氣銷亡或在茲解事小兒愁校壽悲
翁少婦惜吾嘒終知不中囊錢用始願猶賢博
奕爲懷舊比肩成異物交新引臂得同時徵君
潛谷收函吏文潔漳江失羽儀叢桂晚香山拂
鬱蕪葭秋色水漣漪家聲漢代元侯宅名字峯
陰紫閣坡過國君王留授簡承家兄弟愜吹箎

詩

素琴入御絃歌起白首論交紵縞思日照西堂
吟蟋蟀風清南園吹參差莊生樂醉鯨魚出平
子愁中錦繡遺賦罷停雲三徑晚一尊黃菊正
東籬

瓊花觀二十韻

千歲瓊花花樹奇瓊窻月影香風吹廣陵恨結
煙霞種后土情生冰雪蕤淡縞粧成不死樹光

珠疑在獨搖枝清疎欲下桐花鳳宛轉却接柳
葉驩遂有飛璫來戲集猶遲弄玉與追隨蓬萊
望後今何夕玉斝餐來得幾時乍似靈儔喧洛
浦還如寶發出天池俱燒鵲尾青沉發金曳龍
綃紫帳垂天上只聞香素遠人間空記露華滋
庭纓遶處初傳曲雪袖攀來欲寄誰不夜清都
兩凌滴長明輝影一參差真妃愛逐琳霄賞道

士疑從碧海窺拜乞會應憐玉斧攀依少得駐
瑤輜似聞人氣翻鸞舉偏度春陰許鶴知別袂
曉催留翠颺洞簫人語隔紅姿驚看桂葉銀輝
落笑問桃花金母期但道蕪城爭艷逸安知隋
苑卽披離時移畫色零金粉地老青苔沒絳墀
生小好仙恒欲訪風塵懷舊益相悲樓臺尚覺
江都好絲管能禁海月遶四溟一株今玉茗歸

休長此憶瓊姬

用韻和方玉成二十韻

天柱山迴煙月餘長年發興自匡廬爐香合沓
青華蓋瀑練分明玉佩裾拂匣斗牛趨劍浦射
蛟風雨出龍舒溢城雪照秋雲白鍾寺紅殷海
日虛托道茫茫初向若經知渺渺欲愁予歸休
事業留華闕籍甚文章付石渠千里明妃琴際

詩

十二卷

十一

語十年幽客鏡中噓松篁韻合傳堪賞蘭菊蕪
滋長欲除倏歛臨川悲逝者參差吾黨到歸與
猶龍氣色周藏史衰鳳吟聲楚接輿但着佳時
長度曲將因妙處一傳書端居歲月鷗羣隱高
閣園林蝶夢遠忽忽雲霞生研席蕭蕭燈火候
柴墟袒拚卷帙論心後盡倒衣裳識面初露重
草根深蟋蟀風輕本末半芙蓉新通曲徑延三

益舊滿高堂學二疎興劇漉巾差有酒驩非彈
鏤敢無魚諸兄蚤借烏臺筆一第遲飛玉殿臚
江外遊聞公子路山中清遠道人居能來更作
楚然喜况復他時使者車

玉茗堂全集

臨川錢氏仍湯顯祖著

詩

五言絕句

秋江

暝色際江海懷人春望來
瀾瀾波月散颯颯漁

次開

詩

十三卷

偶成

鴈影金河盡梅花玉管催江南望春色獨上鳳
凰臺

遷祠部拜 孝陵

震署三年外祠部初報聞臣心似江水長遶孝
陵雲

聞 聖躬調御有感

帝母親調藥千官想御門鍾陵無限色今日聖
皇孫

送汪主客

酒寒須別吾燈火欲紛紜今夜籬門月殘年江
上雲

上巳日遊牛首登寶塔

天闕雲霞起吳都烟海迴凌風飄綠袖招得幾

詩

人來

又登文殊閣

花岩藏地古珠塔湧樓平
何似盤龍首居然俯
瀟京

上巳後二日遊幽棲寺

百日齋初過三春綠已齊
披雲眠佛窟殘屐到
幽棲

遊獻花岩芙蓉閣

木末芙蓉出花岩草樹齊陵高詒象北江白巖
峰西

住鷲峰寺曉起同夏正之

拂衣蒼翠堂雲光滿虛闥後臺臨雨花前亭生
木末

曹溪

以下多嶺南作

熱海行難到黃梅渴未沾無因四千里分取一杯甜

子篙灘

落日從中挂烟霏生暮寒山含濛瀼驛波瀉月華灘

凭頭灘

南飛此孤影菁峭行人稀鳥口灘邊立前頭灘

于磯

鴻灑灘

鴻灑英州路中藏彈子村澄潭疊屏嶂絕兩
天門

觀世洞

在韶河

山似普陀小人依大士濟洞中金碧響門外摘

篙聲

詩

翻風燕灘

掠水春自驚
遶塘秋不見
漠漠浪花飄
一似翻風燕

浪石灘

雨濕瀆陽暮
風鳴浪石寒
鷗鷺飛不起
橫過釣絲灘

大廟峽

縹緲香爐峽雲祠山翠中蠻歌聽不見叢竹暮
江風

登飛來寺右絕嶺

極目縹旛外飛峰并欲翻日光榕樹嶺青色大
蓮村

廻岐驛

寺遶飛來興江流清遠思五羊從此去定是不

詩

迴岐

五羊驛

五色紛何異蒼茫白石間不見騎羊子手持香
德還

廣城二首

臨江喧萬井立地湧千艘氣脉雄如此由來是
廣州

書題小雪後人在廣州迴不道雷陽信真成寄
落梅

湛林

昨夜騎羊驛今朝鹿步來百年無湛子閒殺釣
魚臺

惜東莞祁生

誰能意氣淺偶爾烟花深今日羅浮子來傷江

詩

海心

答崔子玉明府朱明洞相遲不至二首

玉洞憑高枕朱陵坐欲睡羅浮窺日蚤還待躡
飛雲

洞門反景薄極望青霞開海上神仙今能遊仙
對來

至月朔羅浮冲虛觀夜坐

夜酒朱明館參星倚戶開梅花須放蚤欲夢美人來

羅浮上簾泉避雨蝴蝶洞遲南海崔子玉
不至四首

朱陵雲欲冷白石歲將淹風雨看今夕懸泉始
上簾

老人峰可接洞裏吹雲葉只是雨花飄片片成

蝴蝶

洞中隱風雨夢蝶愁飛舉美人濕不來暗與梅
花語

老人雲忽聲森冥雨氣遠風色上簾泉留連下
山晚

番禺江上七日長至二首

珠海半輪月炎州玉管灰江關問行旅還被一

陽催

不能趨舞蹈聊自展衣冠日影隨南至天心向
北看

南海浴日亭拜長至二首

孤臣遙浴日滄海亦書雲願得扶桑影年年奉
聖君

五拜晴雲北連呼萬歲三愛日逢南至波臣亦

詩

至南

夜坐東倪司理時恤刑在廣

丹筆夜良苦寒重燈下鳴爲官向南斗只合注
人生

至日懷劉允陽太史

合樂清齋夜春暉拜舞餘蒼碧有雲氣太史不

始自書

至日懷歸齋瞻比部

君從寒谷起我向日南來不知仙瑤裏還有自
飛灰

戲蜀客

西蜀富家女懷河亦有臺文君正新寡那得逐
琴來

恩平中火

詩

海氣層雲盡山煙遠燒浮孤臣隨蚤晚一飯是
恩州

海上雜咏

小罌青種子割雀最知風每歲初春夜高飛鳴
向東

奉飯因家女春歌踏和聲火鷄催欲蚤莫聽紅

廣爲寫

總不妍
絳筆馬兒生
車勢幾番春
欲暮慚愧白頭翁

耳帶山鷄白
微低撫翼聲
客意何處曉
海色最先鳴

不似剪刀尾
全無白盡眉
愈高飛愈疾
愁絕叫天兒

替絕瓊西路
能言是了哥
不教呼萬歲
只爲隴

禽多

鳳凰五色小高韻遠徐聞正使蘇君在誰爲黎
子雲

傲敵鷓鴣淺爲雄翰羽粗一般藍翠好長闕白
山呼

北來多喜鵲止是到徐聞海南何得爾能事李
將軍

粵地多瓊島何年胡燕飛南中少秋色長似越
春歸

月勝來書鱗脂膏脫滿筐紺花浮凝點犀箸黍
流香

見說臨川港江珧海月佳故鄉無此物各縣古
珠厓

碧樹琅玕石瓏璇金玉聲平生鐵如意愁惜爲

君輕

盆石如花樹嶙峋似假山海雲常此濕葺雨未
湏班

草中決明子夜合葉朝開泥泥春陰雨牛羊蚤
下來

益智何湏智無知藥子枝有花開下節飽食記
年時

嶺俗檳榔重盈門過禮時銀刀飛寶匣金蒂摩
花枝

不是無鷄翅花梨似降真微香深紫色袖濕酒
盃春

秋色藤花晚青香子欲圓相思不相識紅豆在
君石邊

翡翠磯塘曉苔亭草石幽葛衣烟雨裏十月始

詩

十三卷 十三

宜秋

翁源靈池口號

出震甘泉湧溫香乳玉龍如何兩仙老不作兩
仙童

英德水

深瀆炊烟濕磯頭彈子圓迴帆雙白鳥歌枕

晴川

卜公冢

寒食秣陵下偶然持一尊
同來看花草何意傷
籬門

新歸

碧約新梳洗春衫小坐偏
盡看長自好今日鏡
臺前

西池

詩

白鷺低迴疾寒塘秋葉稀
暝煙開雨色飛濕藕
絲衣

黃生去平昌遊廬霍

送汝侵雲嶺孤雲難往還
芙蓉河上去四十七
盤山

過河間題壁留示趙仲一

九河已成陸阜栖猶問津
道心能似此滄海亦

生塵

陽穀店

丁亥

獨來陽穀店，遶屋是青山。
似有江南色，蕭蕭簷樹間。

覲回宿龍潭

乙未

是歲春連雪，烟花思不堪。
雨中雙燕子，今次是江南。

詩

十三卷

十四

度廣南蜺江至長沙口號

樹慘江雲濕烟昏海日斜
寄言賈太傅今日是
長沙

符離道中

宛宛符離外青山倚復開
長河天子氣飛舞鳳
陵來

河間主人店

提壺醉小鮮春月半窻眠不分河間女挑燈來
數錢

廣陵偶題二首

歲月隨人去風塵可自如偶然流淚處翻着舊
時書

忽忽知何意悠悠向此方怯知新涕淚還是舊
衣裳

呼春鳥口號二首

日日呼春鳥殘陽到月西不知春欲去還向恨
人啼

呼春春幾時白馬青遊絲不合春能去花間聞
子規

去錢塘別劉季德關叔秀

賓從紛然去主人難自懽錢塘秋八月潮上欲

生寒

鴈山大龍湫

坐看青華水長飛
白玉烟洞簫吹不去
風雨落晴天

鴈山迷路

借問採茶女
烟霞路幾重
屏山遮不斷
前向剪刀峯

詩

鴈湫白雲菴

飄搖白石梯試躡蒼龍背風雨隱寒岩孤清白
雲內

廣陵有贈

儂往曲江臺臺門一點開蛾眉今夜淺斜月剪
江來

丁酉三月平昌率爾口號

花明長蕩女杯闌冷水春一倍登臨處青山如
故人

千山一酒樓伐木下長流一笑游龍縣爲龍向
此游

答龍凌玉痛遠兒

去歲復茲日羈冤不可招盤珠空感咽無淚濕

龍綉

詩

十三卷 十七

滇陽峽

窈窕香爐峽玲瓏臯石山翠禽迴浪急玄狖接
峰間

峽山上七里白泡潭爲易名紺花

樹光吹峽雨苔色動江霞泡影非全白沾衣作
紺花

韶石

舜帝南巡日傳聞此地迴秋風
雲霧峽還似鳳飛來

謁帝蒼梧道行歌赤水濱
樂昌好鳴磬能待有心人

五月奏南薰千秋仰白雲
可憐簫管韻不得到徐園

大聖虛忘味何曾到海涯
今朝撫韶石直似見

重華

羅浮夜語憶明德師

夜樂風傳響扶桑日倒流無人憶清淺夫子在

南洲

羅浮飛雲嶺

勾漏杳無人獨自神仙尉海天今夜墜龍門有
雲氣

下飛雲嶺

絕嶺能清嘯下山渾欲愁千山一回首雲氣是
雜浮

青霞洞懷湛公四首

下山與不淺竟作青霞遊一片東樓影參星南
戶流

游蛸窺石冷山鬼被林幽不爲青霞古誰能深

詩

十二卷

十九

夜遊

發興動心賞懷賢如舊遊海鷄催欲曉漸媿昔
人留

洞壑隨龍氣丹樓寄晚霞千秋好流涕湛子不
爲家

保昌下水

亂石水濺濺綾江下瀨船撐腰過黎壁纔得小

網旋

打頓

昨夕波羅峽今霄打頓灘
獨眠秋色裏殘月下
風湍

九里

九里十三坡沉沉烟翠多
釣臺何用築吾自泛
清波

詩

十三卷 二十

曲江

古驛芙蓉外
煙林晴欲開
曲江秋色晚
木末幾
徘徊

夢亭

知向夢中來
好向夢中去
來去夢亭中
知醒在
何處

口號戲贈張正郎

客散紅亭酒天寒雲月微何來花樹清不照粉
郎歸

雪中同張正郎歸思

御溝殘雪色仙署蚤梅花似少青綾被爲郎獨
憶家

十咏

信陵君飲酒近婦人

詩

魏國乃爲累萬古悲公于世上無神仙英雄如
是死

荆卿所待客不至

所待要爲誰造次入重關壯士有寒聲心知不
復還

陸賈不欲數過諸子

留侯世業外長從赤松子陸生頗經務取適得

如此

通德野田荒草之泣

精靈費常盡事去無好美擁髻一時淚千古傷
心始

馬伏波頗哀老子

熱惱願原適文淵思少游慷慨既疇昔危疑安
得休

臧子源爲張超死東郡

討卓氣已震拒袁心更悲但爲所知死寧罔所
知誰

司馬德操謂龐德公妻子作忝元直欲來
世亂難爲士存身各有致鹿門一輩人未測語
何事

魏王分香

事業易委謝恩愛難銷沉虞歌與戚舞英雄同
此心

謝太傅雅志未遂

四十尚高卧出處非造次爲語西州人舊日東
山意

王逸少覺傷哀樂之致

才盡氣亦盡情事復幾許大勢老人懷難與少

詩

年語

味懊惱事二首

文宣顧其子機牙噤不施大有可憐人焚香煮藥時

河北拭甄面江東泣麗屍山川半流血此劫爲臙脂

夜書梅花閣

素月流清輝夜久光如積悠然江海心馮軒此
聞笛

平昌聞右武被逮慘然作

獨有豐城劍千秋氣不銷長平一杯酒還合祭
畢陶

舊日霜臺使今當詔若盧不得飛鳧去相看啼
夜烏

題溪口店寄勞生希召龍游

霖雨將春去茶烟滿眼來如花直溪口半是採
茶回

忽忽登樓去長安五度春云何冷水店尚有熱
心人

姑熟病熱同端望虹太學

暮江無斷汝鬱熱自相依一雨能令女高窻墮

雲飛

濕蒸難對地病渴省談天靜日鳴堦雨藤床一
覺眠

景州董子宅同高栢庄長者

落日窺園處秋光繁露餘不知千歲後誰復亂
書畫

帷開竹林古書掩玉盃閒獨有河間獻英靈時

往還

高唐同計偕嘉興陳公九德午火偶一禿
馬僕人來侑飯陳故盛德士時有故人
守高唐不受謁爲題壁惱之

孝廉方勃率俗吏敢抑掄卽知無盼子賴是有
綿駒

穆耳自流悅傷神常獨愜定知繇駒唱未及把

良妻

君子在高唐英風此北方無人照千里慚媿夜
珠光

越唱長安道齊趨東郭門不知簪珥夕何處可
留髡

新汲

銅瓶受五升青絲三合繩蕩入甌扁裏蓮花發

古青

苦瘡問達公

四海難銷熱三焦不煖涼自然心似瘡何處華
爲王

苦滯下七日達公來

未造紅罌粟徒然青木香精華何處舉留散在
心王

夢千勝地不淨爲苾芻所惱作

一片香巖地兼非行廁時醒來知是夢拓淨竟
何施

醫俗亭同王弘陽大理咏

舊日王孫踏半曲梁園竹時有會心人勿剪湘
波綠

示數息僧

詩

十三卷

三七

嘿然成燕坐一日下三千和風定何處空悲長
壽天

看守心施鳥

乞食到人家家家飯煮沙尚餘香積米持施白
鳥鴉

吳序憐予乏絕勸爲黃山白岳之遊不果
欲識金銀氣多從黃白遊一生知絕處無夢到

徽州

西哭三首

一自去長安無心拍馬鞍
祇應師在處時復向西看

大笠覆無影枯藤杖不萌
定知非獄苦何得向天生

三年江上別病餘秋氣恹
萬物隨黃落傷心紫

詩

相西

看西域人繡柱肚

手印從如色娑陀出恨王至今嘗乳處猶是鬱金香

徐閩留別貴生書院

天地孰爲貴乾坤只此生海波終日鼓誰悉貴
生情

書文中子後

郎主在六經諸公復何有欲以龍門關上擷
家約

觀劉忠愍公手筆口占

危言奉天門疾雷擊
鴟吻骨肉了無餘
銀鈎見忠愍

冬至王江涇舟中送彭直指赴連

詩

退鷁風初急啼鳥日正寒今朝逢柱後長是髮
衝冠

似有都船獄飛霜一詣臺相逢長至日難道不
然灰

過候彭御史獄所時尚書都堂郎吏次第
一在繫傷之

未必闕三木曾無授一經年來看貫索多是貴

八星

答劉允陽太史招遊玉笥諸山

嘆世過十載還山纔一年自來高意氣今日始
遊仙

玉笥新行笈金華舊講幃詩臣初采佩天子正
書衣

香城寺口占時洪都諸老有道術者與豐

城卒稠原侍御爭此諷之

卜兆已下策認言無遠情寸心理不朽何必在
香城

稠原家豐城說有佳地在華山下肯見推
與笑答

道眼久相假節原能見聞得傍牛斗氣雙樓華
蓋雲

憶耆兄南都

去騎已一月平安還未通
驚心前日事流淚向江東

憶無懷伯宗

抗壯成三友摧藏見一翁
吞聲九泉下流淚寸心中

贈龍君揚公子凌玉太和

詩

江上見龍駒金鱗照紫虛龍門開日日何得尚
爲魚

快閣一中酒淋漓醉墨花池亭開示客秋影見
龍跏

龍門低夕照一柱遠擎天見說盃中好還酒借
少年

麗水輿族同呂紹價王良聘呂故盡史官

紀後乃云與時貴銀臺使通籍王先人
某進士死于孝及之

堰堦響崖谷懸流松栢清千秋想盤傳何知世
上名

王生氣沉俠世外誰知已風雨不出山吞聲堰
堦水

楚江四時

詩

十三卷

三

波沱揚柳絲崖氣隱天碧好風吹雨來及此歸
并夕

沙淺碧潾潾遠晴山翠新輕波蕩柔櫓江暖最

宜人

水痕落空碧紅樹颯披離一種臨風意秋江晚
渡時

積雪滿槎枒晦此江山色漠漠漁樵人相望不

相識

野意

野照紆寒碧
林煙上夕陰
終朝采瑤草
不是楚人心

有贈

似笑玲瓏語
如啼宛轉歌
亦知春色少
偏作暮情多

偶題

世路尋常見心期次第過
一般花月好祇是恨人多

山陰劉冲倩粵行祈子口號

自昔避光孝波羅樹色青
君行宜折取歸種小蘭亭

燈齋日韻和山子

淒涼芙蓉錦心銷蓮蕊燈一春何處好還道去
春何日

露葉驚寒鳥紗窻宿夜燈卽知花事蚤心性爲
誰角日

月露紛來下菱歌欲暮燈容華江上晚消息幾
人曾

睡眼驚阿姊坐起半帷燈只似年時夢幽思說

未曾

哭婁江女子

有序

吳士張元長許子洽前後來言婁江女子會
二娘秀慧能文詞未有所適階嗜牡丹亭傳
奇蠅頭細字批注其側幽思苦韻有滿千本
詞者十七惋憤而終元長得其別本寄謝耳
伯來示傷之因憶周明行中丞言向婁江王

相國家勸駕出家樂演此相國曰吾老年人
近頓爲此曲惆悵王宇泰亦云乃至俞家女
子好之至死情之於人甚哉

膏燭搖金閣真珠泣繡窻如何傷此曲偏只在
婁江

何自爲情死悲傷必有神一時文字業天下有
心人

癸卯秋宿鍾陵玉嶺公館與開遠年十六
侍憶予弱冠時過此初移竹置館焉

種竹此何地秋深玉嶺塵暫令車馬客來夢竹
林人

雲生玉嶺路風遶石壇秋賴此青青色長看小
鳳遊

半牕通月色一榻掃眠雲玉嶺多鳴玉蕭蕭是

此君

重遊三十載向昔未成林今日青葱色空傷雲
漢心

青閣

明月下青閣遲懽心所娛鳴笙松檜間細與流
風俱

偶嘆

詩

偶向交衢立長風吹我襟不知來往客終日是
何心

蓮池墜簪題壁

有序

予庚午秋舉赴謝總裁叅知餘姚張公岳晚
過池上照影搔首墜一蓮簪題壁而去庚寅
達觀禪師過予于南北部鄒南舉郎舍中曰
吾望子久矣因誦前詩三十年事也師爲作

館壁君記甚奇今春五臺僧樂愚來乞文復
棲賢寺修陞簪之約予病若恐未能觀厥成
感激悲涕是用存其少作奉爲來因云爾

搔首向東林道簪躡復沉雖爲頭上物終是水
雲心

影下西夕遺簪秋水中或是投簪處因緣蓮
葉東

四阿羅漢口號

月下了殘經

明暗自一時未斷言語路
箇箇月中人下來
參文句

雪剝

一法不可作煩惱不得絕
正好目前紅落盡
刀山雪

龍

鉢小龍亦小龍大鉢卽大若作小因緣終成陰
器界

伏虎

有勢莫使勢有智莫使智遭際此痴惡暗證作
佛事

黔中客有遺

見說南中苦吹沙畏射工何來閨閣裏得有九
香蟲

坐故椅懷揚州蕭成芝

念年斑竹椅寒色映瓜州坐客蕭然遠懷來清
溪流

送客九江有調

候雁三春盡晴雲九疊開祇應溢日月曾見白

公來

題租曆後

欲歛東臯稅，須清南畝菑。
獨笑陶彭澤，持筭寫簿時。

仰容題名滿，倉廩瀆墨深。
了無江海意，真有稻梁心。

擇日裝新曆，逢年慶濁醪。
老蒼教落墨，庄客對

詩

十三卷

五九

揮毫

報國將爲報傳家足此傳今朝外史氏宜書大有年

銀俵詩

有序

予友朱元芳持其宗人家閩邵汀山峪中得
窖金銀器歸忽忽穢甚不可禁且小口特有
瘕厥長老云是流賊窖金時常圍苦一人至

求死不得約之曰爲我守窖否其人應許復
告之如是數四應許畢之窖中遇金者祭度
而後可朱氏婦教上章曰汝爲賊守久當我
得此金度汝命已而穢淨病已朱氏用富有
中表周氏過此度之終不能得也反其金窖
中嗟夫人之於人也豈不甚哉昔聞虎俵茲
爲作銀俵詩

詩

十三卷

四

死仇爲仇守偃爾何其愚試語穴金人此術定
何如

爲連城道人口占

白石何當煮藍田未許漿但服雲霞氣生身有
玉光

答客

富貴不可知年壽何須問但無少婦緣祖有老

人分

摘白

側室了無與聊取世眼黑今朝好日辰鑄此一
董白

負負吟有序

予年十三學古文詞于司諫徐公良傳便爲
學使者處州何公鏜見異且曰文章名世者

詩

十三卷 四二

必子也爲諸生時太倉張公振之期予以季
札之才婺源余公懋學仁和沈公楠金承異
識至春秋大主試余許兩相國侍御孟津劉
公思問總裁餘姚張公岳房考嘉興馬公千
乘沈公自邠進之榮伍未有以報也四明戴
公洵東昌王公汝訓至爲忘形交而吾鄉李
公東明朱公試羅公大絃鄒公元標轉以大

道見屬不欲作文詞而止
滕言負之爲志懼焉

少小逢先覺平生與德隣
行年踰六六疑是死陳人

癸丑四月十九日分三子口百

分器不分書聊以惠羣愚
分田不分屋聊以示同居

得吉水劉年侄同升書喟然

悽然來問病滿紙不勝情異日西州動餘生識
晉卿

文情不厭新交情不厭隙能存先昔友留示後
來人

送李孺德

何日承凶問君來自吉州可憐總帷客不作錦

衣遊

我自慟吾親因君倍愴神十年師弟子千古吉
州人

送徐婿德胤

寃爾東海彥快此中山婿百歲俯鸞鳳千秋仰
騏驥

拜門來問病相見卽依依安得仙人杖乘龍見

詩

十三卷 聖

汝歸

病中喚主人翁

尋常作使汝不容宅中立今日喜翁歸作使亦
何益

貧老嘆

一壽二日富常疑斯言否末路始知難速貧寧
速朽

訣世語

有序

僕老矣幸畢二尊人大事苦塊中發疾彌留
已不可起慎終之容仍用麻衣冠草屨以襲
曆二尊人之側庶便晨昏恒見達人返虛俗
禮繁窒怪之恨之恐遂溘焉先茲乞免遂成
短絕用寄哀鳴

一 祈免哭

詩

生平畏聞哭聲兒女孝敬自有至性不可強也慎無請哭成禮

善哭已無取佞哀非所懷帷官都過密偏覺有
餘哀

一 祈免僧度

僧舊在門下者無煩俗七兒輩持半箇齋僧念心經數週足矣

便作普度事都無清淨僧灑水奉心經唧爲破
暗燈

一祈免牲

肉食而鄙六十七年於斯矣殺業有徵報何
所底每見牲奠腥汚塗藉大非清虛所宜乞
哀嫻遊幸免牲命止求蔬水見遺非徒省穢
存潔亦大爲鄙人資冥福也更煩屠宰到門

不預乞免者子爲不孝

豕首高刺天羊子隨墮地何當覓鬼前作此不
淨事

一祈免冥錢

真者楮幣相見無煩金銀山錠等物

生不名一錢自分作窮鬼哉哉金銀山不如一
端綺

一祈免奠章

人生而偽聞譽則悅既反而真聞諛則赧往
見奠章誇揚爛熳長跪高誦兩爲失體竊不
自揣代中表門生預爲數語無煩登軸第書
素紙奠畢焚之殊覺雅便萬乞俯從

維某年某月日某某祝曰惟靈歸虛返真

願在

端

遊良深悲悼茲陳素筵附於蘭菊

用妥靈心嗚呼上餐

不煩真者苦我代作斯文昨日已陳迹今日復何云

一祈免崖木

化者須材沙木堅厚爲度崖不足眩也至囑至囑

千幘同一土隨宜集沙板闊崖無厚質虛花誼

人眼

一祈免久露

地形取遠所忌無久留

世故不可測隨在便安置借問地上人安知地
中事

忽忽吟

此苦次絕筆在丙辰夏杪望日

孤哀子熒熒不如死含笑侍堂房班衰拂

詩

十三卷

四

蟻

蟻